

補充資料

生死暴流相關補充

《瑜伽師地論》卷第十八

本地分中思所成地第十一之三

誰獎勝類生 及開出離道 於何住何學 不懼後世死
戒慧自熏修 具定念正直 斷諸愁熾燃 正念心解脫
能獎勝類生 及開出離道 住此於此學 不懼後世死

今此頌中，言勝類者：即是四種勝上姓類。

一、婆羅門，二、刹帝利，三、吠舍，四、戌達羅。

[披尋記] 四種勝上姓類等者：此四姓類於欲界中，望餘惡趣，由勝生故，名之為勝。彼有勢力，能了法義，修正行故。

以法、以正、以制、以導，教勝類生，故名為獎。

[披尋記] 以法以正以制以導者：開示道理，是名以法。授以歸依，是名以正。制立學處，是名以制。教導出離及與遠離，是名以導。

此中顯示：唯佛世尊能以法、以正、以制、以導，教勝類生。由此因緣，世尊自顯唯我獨為真獎導者，故為彼天作如是說：具戒、具慧以自熏修。

[披尋記] 唯我獨為真獎導者者：攝異門分說：驅擯造作不應作故，名能獎者。慶慰造作應作事故，名勝獎者。於前二事能開示故，名至獎者。隨所生起一切疑惑皆能遣故，名能導者。惡作憂悔皆能遣故，名勝導者。一切煩惱及隨煩惱皆能遣故，名至導者(陵本八十三卷一頁)。由此差別，應知具戒，名真獎者；具慧，名真導者。

又唯世尊能為四種勝上類生，宣說出離一切眾苦聖八支道。此中世尊亦自顯示是真說者。

[披尋記] 亦自顯示是真說者者：此釋頌說能開出離道。攝異門分說：有能說、傳說、隨說¹三種差別。此顯能說，名真說者，唯佛世尊，獨得此名。

云何具戒？謂佛世尊昔菩薩時，棄上妙欲，捨離居家，受持身語所有律儀。

云何具慧？謂即於彼受持身語律儀住者，起如是相，內正思惟，深心籌量，審諦觀察：

今此世間多遭艱苦，所謂若生、若老，如經廣說。

[披尋記] 謂即於彼受持身語律儀住者等者：此律儀住，當知說彼靜慮律儀。決擇分說：若即於此所受律儀能無闕犯以為依止，修無悔等，乃至具足入初靜慮，由奢摩他能損伏力，損伏一切犯戒種子，是名靜慮律儀。如初靜慮，如是第二、第三、第四靜慮，當知亦爾(陵本五十三卷五頁)。以此為依，於一所緣繫念寂靜，是故說言內正思惟。即於所緣，正極思擇、周遍尋思、周遍伺察²，是故說言：深心籌量，審諦觀察。

1 《瑜伽師地論義演》卷第三十四：「能說，即大師立聖教者。傳說，即紹師傳聖教者。隨說，即襲師隨聖教者。」

2 《瑜伽師地論》卷第三十：「云何四種毘鉢舍那。謂有苾芻依止內心奢摩他故，於諸法中能：正思擇、最極思擇、周遍尋思、周遍伺察，是名四種毘鉢舍那。云何名為能正思

云何自熏修？謂於往昔無量餘生，經三大劫阿僧企耶，於六波羅蜜多，修習、善修習；由彼因緣，今無師自然心趣出離；又於眾緣所生諸行，以微妙智能隨悟入。

[披尋記] 又於眾緣所生諸行等者：於緣生行，了知無常、苦、空、無我，名微妙智。由此隨順悟入諸行甚深道理，名隨悟入。

云何具定？謂能乃至離無所有處欲，證得非想非非想處。

云何具念？謂依如是所得勝定，為斷見斷諸煩惱故，修四念住。即以如是所修念住為其導首，乃至修習三十七種菩提分法。

云何正直？謂彼生起逆流正直聖八支道，能斷見斷所有煩惱，於逆流道得預隨流。

[披尋記] 於逆流道得預隨流者：逆生死流，是名逆流。能昇能入，能正行履，漸次趣向至極究竟，是名為道。即由此道永斷三結，立預流果，是名得預隨流，預入有學聖流類故。

云何永斷一切愁憂熾燃？謂從諦現觀俱得成不還者。

又能永斷五下分結，瞋恚似順愁憂，貪欲似順熾燃，於如是等皆已永斷。

[披尋記] 瞋恚似順愁憂等者：下分結中彼瞋恚結，此名愁憂，相相似故，隨順生故；又貪欲結，此名熾然，相相似故，隨順增故。由已永斷瞋貪二結，故說永斷一切愁憂熾然。

云何正念？謂為永斷上分諸結，復更修習四種念住，乃至修習三十七種菩提分法。

云何心解脫？謂已永斷上分結故，於二種障心善解脫，謂煩惱障及所知障。

其心如是善解脫故，得成如來應正等覺，廣說如經。由此故能獎勝類生，開出離道。

諸有四種勝類，隨一於此聖教愛樂正行，為欲證得聖八支道，於三學中勤修學者，彼定能證聖八支道及涅槃果。由證彼故，不懼當來生老病死。

... (略) ...

齊何泉止息 於何徑不通 世間諸苦樂 何處無餘滅
若於是處所 眼耳及與鼻 舌身意名色 永滅盡無餘
齊此泉止息 於斯徑不通 世間諸苦樂 是處無餘滅

云何為泉？謂六觸處。

何以故？譬如泉池能生諸水，水所繫屬，堪任觸用；

又能存養男女大小，下及禽獸，乃至一切未盡枯竭。六內觸處，亦復如是。一切愚夫，六境界觸之所觸用；

又能存養，乃至是中諸貪愛水，未盡枯竭。

[披尋記] 水所繫屬堪任觸用等者：水所攝故，名所繫屬。身根所取，堪任受用，是名觸用。

或飲食已，壽命得存，是名存養。六內觸處亦復如是等者：六內觸處，譬如泉池。能生貪愛，譬能生水。一切愚夫，六境界觸，譬如水所繫屬。云何名為六境界觸？謂色乃至法為緣，所生諸有漏觸。一切愚夫貪愛為緣，即於此觸喜樂受用，名所觸用。由喜樂故，便能長養諸根

擇？謂於淨行所緣境界，或於善巧所緣境界，或於淨惑所緣境界，能正思擇盡所有性。

云何名為最極思擇？謂即於彼所緣境界，最極思擇如所有性。云何名為周遍尋思？謂即於彼所緣境界，由慧俱行有分別作意，取彼相狀周遍尋思。云何名為周遍伺察？謂即於彼所緣境界，審諦推求周遍伺察。」

大種，名能存養。

云何為徑？徑有二種：一、煩惱徑，二者、業徑。此中徑者，意明因義。

云何苦樂？謂或於現法六種觸處為緣所生，或安受受所攝，或不安受受所攝。

或於後法煩惱攝持妙行、惡行為緣所生，或安受受所攝，或不安受受所攝。

[披尋記] 或安受受所攝等者：適悅身心，是名安受。彼俱有法，名受所攝。與此相違，名不安受及受所攝。此有二別：謂由現在緣，或由先業因，如文可知。

於何處所，如是六處及名色等，無餘滅盡？謂無餘依涅槃界中。

若諸異生，泉徑苦樂，一切無闕，亦未有捨。

若諸有學，闕而未捨。

若諸無學，徑及當來所有苦樂，亦闕亦捨，不復現行；

泉及現法所有苦樂，亦闕亦捨，有餘依故，猶復現行。

是故無餘涅槃界中，說彼一切無餘盡滅。

[披尋記] 若諸異生至亦未有捨者：謂諸異生煩惱具縛，是名無闕。諸纏現行，名未有捨。

若謂有學闕而未捨者：謂彼六種有學聖者，從預流果乃至第六阿羅漢向，由不具縛，故名為闕。修所斷縛，猶復現行，是名未捨。

若諸無學至猶復現行者：此說有餘依位無學阿羅漢果煩惱及業。苦因永盡，永不現行，是名亦闕亦捨。又於煩惱所攝當來苦果亦不更生，是名不復現行。內六觸處及彼為緣所生苦樂，於現法中，由心解脫及慧解脫，貪愛無明皆永斷滅，說名亦闕亦捨。然六觸處及與苦樂未任運滅，是故說言猶復現行。

... (略) ...

誰能越暴流 誰能超大海 誰能捨眾苦 誰能得清淨
正信越暴流 無逸超大海 精進捨眾苦 智慧得清淨

今此頌中，云何正信能越暴流？

謂如有一，為欲了知諸欲過患，聽佛所說若弟子說所有正法。聞是法已，獲得正信，便生欲樂，為斷事欲及煩惱欲，遂能棄捨居家事欲，正信出家，往趣非家。

既出家已，為欲斷除煩惱諸欲，遠離而住。

彼由熾然勤精進故，乃至修習正思惟故，斷煩惱諸欲，得離欲定地。

如是正信為依為導，便能越度諸欲暴流。

[披尋記] 為斷事欲及煩惱欲等者：七攝受事³，名為事欲。為斷此故，正捨家法，趣於非家。欲貪分別，名煩惱欲。為斷此故，居遠離處，修習對治。由二種欲皆遠離故，名能越度諸欲暴流。

云何無逸能超大海？謂於彼定終不愛味，乃至亦無堅著安住；唯除為證諸漏盡智，專注其心。

3 《瑜伽師地論》卷第二：「云何七種攝受事。一自父母事。二妻子事。三奴婢僕使事。四朋友官僚兄弟眷屬事。五田宅邸肆事。六福業事及方便作業事。七庫藏事。」案：妙境長老筆錄：「『福業事』，就在你正當的職業之外，你又能去做一些福業的事情，那麼就是要有愛心、要有慈悲心、有公益心，為大眾謀一點福利，有公益的事情，做一些利益大眾的事情，那就是『福業事』。」

由此定心清淨、鮮白、正直、調柔，於四聖諦能入現觀，乃至證得諸漏永盡。

如是由不放逸為依、為導，能斷色、無色繫二有暴流，及斷一切無明與見二種暴流，是故名為超渡大海。

[披尋記] 謂於彼定終不愛味等者：謂若定心，猶為愛、慢、見、疑、無明等諸隨煩惱之所染汙，未名圓滿清淨鮮白。如修所成地說(陵本二十卷十三頁)。今由無逸思惟彼彼煩惱過患，故不愛味，乃至亦無堅著安住。由此定心，離下地染，故名清淨；離自地染，故名鮮白；安住上捨，故名正直；隨意自在，故名調柔。

云何精進能捨眾苦？謂如有一有學見跡作是思惟：我應當證三界離欲，諸結永盡。便臻遠離，於彼勇猛精勤而住，不多安止貪欲纏心。

又能如實了知現在諸欲貪纏所有出離，於貪欲蓋淨修其心，遂能斷滅諸欲貪纏，及貪欲纏為緣所生心諸憂苦。

如貪欲蓋，乃至疑蓋，當知亦爾。如是精進為依、為導，能捨眾苦。

[披尋記] 又能如實了知現在諸欲貪纏所有出離等者：決擇分說：心清淨行苾芻，由三種遍知其心：一、雜染愛樂相，二、雜染過患相，三、雜染還滅方便善巧相(陵本五十一卷十二頁)。由此三相，能如實知雜染出離。今說貪等五蓋所有出離，能如實知，當知亦爾。

云何智慧能得清淨？謂彼除滅能染汙心，乃至能障究竟涅槃五種蓋已，即依未至，安住未至。如先所得苦集滅道諸無漏智，於諸苦中思惟真苦，乃至於道思惟真道，便得無餘三界離欲，諸漏永盡。如是由先所得智慧為依、為導，能證清淨。

[妙境長老筆錄]

「謂彼除滅能染汙心，乃至能障究竟涅槃五種蓋已」，這是前面「精進能捨眾苦」，這位修行人是把五蓋——謂彼除滅了能染汙心。這五蓋能染汙自己的心，使令心不清淨；這五蓋能障礙你得究竟涅槃。這樣，這個禍患這麼大，而這位能精進這個人，他把它消除了。消除了以後，這表示什麼意思呢？「即依未至，安住未至」，那就表示這個人得到未到地定，他依未到地定，就是超過了欲界定的這個未到地定，他以它為依止，安住在這個未到地定裏面。安住在這裏幹什麼？

「如先所得苦集滅道諸無漏智，於諸苦中思惟真苦」，就是你得初果的時候，你成就了苦智、集智、滅智、道智，這些無漏的智慧，你成就了這個智慧。現在在未到地定裏面，就是由這樣的智慧「於諸苦中思惟真苦」，繼續這樣思惟，思惟這色受想行識是苦，思惟它真實是苦。

「乃至於道思惟真道」，凡夫還想不到這裏，智慧不夠，這初果聖人達到這個境界，他能夠很深刻地知道色受想行識是苦，這個愛是集，苦集滅了這是真滅，乃至聖道是真實的聖道，能解脫一切苦。「便得無餘三界離欲，諸漏永盡」，你這樣思惟的時候，就能夠沒有剩餘的，三界所有的欲都能夠遠離了。這時候「諸漏永盡」，所有的見煩惱、愛煩惱，欲流、有流、見流、無明流，完全的消滅了。說這些修行的方法是這樣子。

... (略) ...

誰超越暴流 晝夜無昏昧 於無攀無住 甚深無減劣
圓滿眾尸羅 具慧善安定 內思惟繫念 能度極難度
諸欲想離染 亦超色界結 彼無攀無住 甚深無減劣

今此頌中，云何暴流？所謂四流：欲流、有流、見流、無明流。

云何無攀無住？所謂諸愛永盡、離欲、寂滅、涅槃及滅盡定。

所以者何？

所言攀者：諸煩惱纏；所言住者：煩惱隨眠。於彼處所，二種俱無。是故說言無攀無住，此謂涅槃無攀無住。

又想名攀，受名為住。若於是處，二種俱無，即說彼處無攀無住。如是顯示，滅受想定無攀無住。

今此義中，意取滅定。

[披尋記] 所謂諸愛永盡離欲寂滅涅槃者：攝異門分說：言愛盡者，謂不希求未來事故。言離欲者，謂無現在受用喜樂故。所言滅者，謂餘煩惱斷故。言涅槃者，謂無餘依故(陵本八十三卷二十二頁)。攝事分中復有餘釋(陵本八十五卷十頁)。今應準知。

云何圓滿眾尸羅？謂善安住身語律儀，修治淨命。

云何具慧？謂於苦聖諦如實了知，乃至於道聖諦，亦復如是。

云何善安定？謂遠離諸欲，乃至具足安住第四靜慮，或第一有三摩鉢底。

云何內思惟？謂於二十二處，數數觀察；言我今者，容飾改常，去俗形好，廣說如經。

[披尋記] 謂於二十二處數數觀察等者：修所成地說：於四處所，以二十二相應審觀察(陵本二十卷十三頁)。繫不具引，即此二十二處應知。

云何繫念？謂於二十二處數觀察時，依沙門想恆作恆轉，而現在前；由此因緣，為斷餘結，修四念住。

[披尋記] 依沙門想恆作恆轉而現在前等者：修所成地說：彼於如是四處，以二十二相正觀察時，便生如是如理作意：謂我為求如是事故，誓受下劣形相威儀及資身具，誓受禁戒，誓受精勤常修善法；而我今者於四種苦為脫何等？若我如是自策自勵，誓受三處，猶為四苦常所隨逐，未得解脫；我今不應為苦隨逐，未於勝定獲得自在，中路止息，或復退屈。如是精勤如理作意，乃得名為出家之想，及沙門想，乃至廣說。又愛、慢、見、無明、疑惑，種種定中，諸隨煩惱不復現行，善守念住(陵本二十卷十五頁)。此中依沙門想及斷餘結。修四念住，隨義應知。

云何能度極難度？謂一切結無餘斷故，能度最極難度有頂；彼非一切愚夫異生，可能度故。

云何於諸欲想而得離染？謂於下分諸結，已斷已知。

云何超於色界諸結？謂於色繫上分諸結，已斷已知。

云何於無攀無住甚深中無有減劣？謂於無色界，或已離欲、或未離欲，已得非想非非想處，堪能有力入滅盡定。

... (略) ...

由闕內心奢摩他故，乘如所得聖道浮囊，

為證內心奢摩他故，運動如足勇猛精進。

又復為令增上慧法毗鉢舍那善清淨故，運動如手勇猛精進。

彼於如是勤精進時，離欲界欲如得源底；證阿羅漢如到彼岸。

已離欲者，證得內心勝奢摩他，亦得善淨毗鉢舍那。
唯為進斷上分諸結，發勤精進，非諸身分。
若已越度成阿羅漢所作已辦，
離勤功用，名住陸地，已到彼岸。

偽作沙門相關補充

《地藏菩薩本願經》若有眾生，偽作沙門，心非沙門，破用常住，欺誑白衣，違背戒律，種種造惡，如是等輩，當墮無間地獄，千萬億劫，求出無期。

名相解釋

【白衣】 (佛學大辭典(丁福保))

(雜名) 俗人之別稱。以天竺之波羅門及俗人，多服鮮白之衣故也。以是稱沙門，謂之緇衣，或染衣。

西域記二曰：「衣裳服玩無所裁製，貴鮮白，輕雜彩。」

道宣律師感通錄曰：「白衣俗服，佛嚴制斷。」

涅槃經疏十四曰：「西域俗尚穿白，故曰白衣。」

遺教經曰：「白衣受欲，非行人。」

維摩經方便品曰：「雖為白衣，奉持沙門清淨律行。」

智度論十三曰：「白衣雖有五戒，不如沙門。」

【央掘摩羅】 (佛學大辭典(丁福保))

(人名) *Angulimālya*，舊稱央掘摩羅，央仇魔羅，央崛鬘，新稱鴛崛利摩羅，鴛窣利摩羅。譯曰指鬘。佛陀在世時，住於舍衛城者。信奉殺人為得涅槃。因此邪說，出市殺害九百九十九人，切取各人之指，戴於首為鬘，第千人，欲害其親生之母，佛憐愍之，為說正法，即改過懺悔而入佛門，後得羅漢果。

西域記六曰：「鴛崛利摩羅，唐言指鬘，舊曰央崛摩羅，訛也。室羅伐悉底之凶人也，殺人取指，冠首為鬘。」

經律異相十七曰：「殺害人民，各取一指，用作華鬘，以是故，名曰鴛崛鬘。」

賢愚因緣經八曰：「鴛仇魔羅，晉言指鬘。周行斬害，列七日。頭方九百九十，惟少一指。時欲害母，後佛度之。」

止觀二之四曰：「央掘摩羅，彌殺彌慈。」

又名為一切世間眼。見鴛掘經。(《佛說鴛掘摩羅》西晉月氏國三藏竺法護譯)

【自在】 (佛學大辭典(丁福保))

(術語) 進退無礙，謂之自在。又心離煩惱之繫縛，通達無礙。謂之自在。

法華經序品曰：「盡諸有結，心得自在。」唯識演秘四末曰：「施為無擁，名為自在。」